


B. N. C.  
FIRENZE  
1007  
19





1007.19



1007  
19

1007. 19

LAZARUS AUGUSTINUS COTTA MEDIOLANENSIS  
 NOBILISSIMO, ET DOCTISSIMO VIRO  
 HENRICO DE NOVA VILLA  
 APUD MAGNUM HETRURIAE DUCEM  
 REGINAE BRITANNICAE ABLEGATO.



*Quantum tibi delectationis olim attulerit amœna lectio Dialogorum Doctissimi Marchionis Urſi, ex humaniſſimis literis tuis aliàs accepi, Vir Illuſtriſſime, atque Erudiſſime. Profectò apud Inſenſuos, & Doctos non modicum laudis promeruit Vir ille generoſus, ac prudens: ut qui juſtiſſimo licet deſenſionis titulo, & in patrociniũ cauſæ communis ſcribens, pro tutela vide-*

*licet Poetarum, Oratorumque Italorum accriore Cenſura petitorum à P. Boubours, in opus tamen exteri illius Authoris ſatis leniter, & talione mitiſſimo animadvertit. Tantum ſcilicet vel in Criticis, & Apologeticis [ quibus ſapidiore aliqua, nihilominus indulgetur ſalium urbanorum aſperſio ] placet modeſtia, quæ veram ſequitur ſapientiam, ut ſequi ſolet claritatem Stirpis, & morum. Sed quantum arrisit tunc in Italo Authore moderamen illud ſcribendi; tantumdem hodie ſollicitudinis inſert, cuiusque cordi eſt Nationis honor, quod Itali alterius culpâ in ſcandalum verſa ſit huiusmodi Controverſia.*

*Subſtitere quidem (fateor) intra pomaria Criticæ Urbanitatis, ut in plura, nec ſine acumine, oppoſuerint Urſo, pro indemnitate Conterranei ſui, Ephemeridum Trevolſienſium Authores: iſque pariter ulteriore adhuc modeſtia nervos iterum reſoſuit Urſus, necnon alii ſimul Noſtrates, ut inde baud injucundum emerſerit toti Literariæ Republicæ oblectamentum. Verùm, neſcio quo actus ſpiritu, in hanc meſſem irreſpit animoſa fulce Comes Montanus Piſaurenſis, qui cenſuram in Urſum aggreſſus, licet per ejus ſcripta levi calamo quinquaverſum volitet; attamen neque Doctrinam P. Boubours inibi reſutatam tuetur, aut ſuſtinet; neque aliud quicquam ab Urſo ipſo vel incidenter prolatum, ut pareſt, reſellit, cuncta ſpernens, atque deridens, nulla verò ſolida ratione uſpiam impugnans. En paucis Oppoſitionum omnium ſparſim luxuriantium compendiarum collectio.*

Damnat Ursus Hyperbolem, quam damnat & Phalereus. Montanus eam neque damnare satagit, neque defendere. Disputat tantum, ac ambigit (prætereo alias nugæ, & innumera vaniloquia) quinam Hyperbolem illam ad Homerum non pertinere primus dignoverit. De responsione quadam Alexandri Macedonis ad Parmenionem, quam in exemplum sublimis cujuscumque Effatus Longinus adducit, contendit ille, Longinum ne verbum quidem habuisse, cum tamen habuisse satis indicet ejus Codex, etsi mancus, ac mutilus. De quadam pariter Apostrophe Ajacis apud Homerum, supponit versionem Ursi perperam constructam; cum tamen Textum illum ipse quam pessimè interpretetur. Uno verbo: tempus omne terit vagando, & nugando circa exempla tantum aliquot, nec ultra pergit, fundamenta scilicet ipsa penitus intacta relinquens, vel oppugnare oblitus, vel evertere impotens. Sunt hæc universæ Criseos machinamenta fortiora. Quidquid his superest, nonnisi mera congeries est Characterum Orientalium, rerumque emendatarum, disparatarum, & minimè coherentium sibi, quam minimè autem ei, de qua agitur, materia, quæ circa naturam Ingeniosorum, Urbanorumve Dictorum versatur unice. Hinc facilis conjectura, Montanum scripsisse, non in impugnationem, sed in contemptum Doctrinæ alienæ, & in ostentationem suæ, quantulacumque illa sit.

At scandali totius, quod ex hujusce Controversiæ progressu diuturniore suboritur, culpa quidem non levis in Montanum, sed & plurimè (si fas sit dicere) in Ursum ipsum est refundenda: siquidem, ut fama est, veritatis consonet, quod Ursus Montano stimulos addiderit, ut Crisim illam typis daret; quod Bottazzoni benevoli sui Responsionem ad eandem Crisim tribus Epistolis, Nobili viro Trevisano inscriptis, compræbensam lubens admiserit (forsan & urserit) quod Montanum ipsum Bononiam profectum humanioribus exceperit officiis, ac honorifico postmodum literarum commercio coluerit: & quod exuberanti denique animi liberalitate Bottazzonum obstrinxerit, ut Responsioni suæ Proæmium adderet, ubi totus in laudes Montani, & comitatus illius effunderetur.

Debuerat potius Ursus in id incumbere, ut frivola Crisis illa planè suppresseretur, ne tam conspicua prostaret Gallis scripturientium hujusce generis Italorum cacoethiæ, quæ nimis latè patet ex insulso illo sarcimine (arguerentque illi proinde ab Individuo ad Speciem) neve ultrò se proderet frequens noster, insensusque communi propugnationi Opinionum dissensus, & intestina Respublica nostra Literaria discordia. Contra non debuerat affectare, vel officiis emere necessitudinem ullam cum Viro, quocum inita disputatione, nulla exinde illi utilitas, & (dicto sit venia) nullum decus. Et quemadmodum Montanum monuit amicus, habita ratione, & spectata dignitate Furfurariæ celebris Academiæ utrique Disputantium communis, ne se illius eximii Cætus sodalem jactaret, ita debuerat non monere ad evulgandum scriptum illud indigestum, & circulatoria tantum eruditione scatens, habita item ratione, & spectata dignitate, universa nostræ Gentis. Quod si, hac ipsa posthabita, privato tantum inbia.



inhiabat comodo sibi obvenienti ex illius inefficacis editione Censura, satius erat illi Censuram eandem in puris naturalibus constitutam, & qualis de penu Authoris primitus exierat, typis eundem tradere, nudamque, ac omni Responsione vacuam circumquaque distribuere: Sic enim Ursus, & rem sibi perutilem, & gliscienti Authori per gratam, gerens, citra ullam contentionem voti facile compos exitisset. Sanè huic nodo non aptior cuneus. Demum non debuerat ultronea urbanitate Montanum quodammodo allicere ad tumescendum, & ad excedendos castigatioris temperantia limites (ut confidenter valde vel effecit ille, vel effici passus est ab Amico suo in Proæmio eidem Censuræ tempore impressionis addito) non debuerat, inquam, Ursus cum tot blandiciis, tot officiis tantum non serviliter prosequi: probè gnarus, elatorum quorundam Ingeniorum morem esse, quò demissius coluntur, eò intemperantius efferri.

Quantumvis autem innotescat Orbi Literario, vim nullam inesse scriptis Montani, plurimum superficiei, & minimum profunditatis habentibus, nullamque pariter animosioribus adhib, exsuccis licet additamentis Amici illius, quin imò neutrum eorum (si dicantur duo) callere idiomata, quæ transcribit: quantumvis quoque hanc eandem veritatem demonstravit ad evidentiam Bottazzonus ipse, ponens in propatulo [ut ut in Græcis literis modicè tantum versatus] novos errores Montani, dum veteres ille defendere nitebatur: nihilominus nimium semper ex hac parte, & cum excessu actum est favore illius. Etenim dato etiam quod Montanus eò pertingeret, ut nosceret pacato animo, improbari communiter intentionem suam, erroneas opiniones, & enormem, ut sic dicam, se gerendi modum; semper tamen Montanus tantum lucri fecisse credendus est, quantum ei erat in votis: quandoquidem illi sit est, satque abunde habet, unde pabulum carpat mens gloriabunda [ & hoc quoque, nonnisi Juvenili tribuanus ætati, meliora nihilominus promittenti] cum licuerit sibi totius Encyclopædiæ Coryphæum Ignarus se pingere, potueritque hinc occasionem arripere buccinandi, se Hagæ fuisse, quinquagies in Aula Britannici Regis negotiosus deambulationes traxisse, sibi que notum esse jamdudum, nedum aspectu, ac nomine, sed & familiaritate, ac literarum commercio Clarissimum Virum, non quidem Joannem Fridericum, ut primum scripserat, sed Jacobum Gronovium, ut melius consultus correxit in editione Censuræ: quoniam si primæ suppositioni tenaciter adhaesisset, incauta nimium jactationis evicisset eum sua ipsius ætas; ut lactens adhuc condidisset Lucubrationes in Pindarum, easque Joanni Friderico Gronovio per vagitus, nequaquam verò per literas, ut asserit, communicasset.

Cuncta hæc cum ita se habeant, mihi porrò non aliud recolligendum superest, Vir Illustrissime, ac Eruditissime, nisi quod tuum sit planè [ quoniam Tibi cum Urso plurimum esse familiaritatis, & amicitia iam novi] quod, inquam, tuum sit planè Marchionem Ursum efficaciter suadere, ut suos, quotquot sunt, Amicos debortetur, quin & coerceat,

quominus arripiant calamum adversus inofficiosum hunc Patria communis Perduellem : solliciti , si non de propria , saltem de existimatione Nationis , quæ non levem hinc patitur diminutionem decoris , magisque patietur in dies , si viri istius , sibi quoque nocentis , Genio satis fervido } ( in linea tantum Literaria semper loqui mihi mens est ) detur ansa iterum nova effutiendi eadem animositate , qua sponte primum , nec laceffitus scribens , id strenue præstitit , cum tamen mox in Mantissa Anonymi sui Censuræ præposita , se humanissimè scripsisse summa pace professus sit . Nulla ergo interim Responsione a quoquam occurrendum arbitror conatibus irritis Conutis Montani ; quousque saltem scriptis dignioribus non transcendat metam illius , quæ gloriatur etiamnum in prima Criticæ suæ Epistolæ paginâ , tenuioris laudis in spe repositæ , nimirum Junioris Discipuli , qui ..... Talis quisquæ usque adeo erit ille censendus { liceatque festivè agere sub calcem Epistolæ } donec biantem illam Lacunam , sive album illud punctorum sorte ancipiti supplendorum , meliore fama repleverit . Vale Vir Illustrissime , mibique , Cultori tuo addictissimo , favere perge .

1007. 19

Z

MEDIOLANI,

MDCCIX.

7955477

1007.19



Ma

